

Evening Dogri News Bulletin,

03 August. 2025 समे .18:15 Hrs

Headlines

- जपान दे ओसाका च लग्गे दे विश्व एक्सपो नमैश-2025 च भारती पंडाल च लोक मती दिलचस्पी दस्सा'रदे न, जम्मू-कश्मीर थमां खरोट दी लक्कड़ कन्नै बने दा समेयान सब्भनें दे आकर्षण दा केंद्र।
- कुलगाम च आतंकवादिएं खलाफ अभियान अज्ज त्रीए रोज बी जारी रेहा, अजे तोड़ी त्रै आतंकवादिएं दा करी दित्ता गेआ ऐ सफाया।
- सरहदी जिले साम्बा च जंगाल लग्गे दे 3 तोफो दे गोले बरामद, विजन कुसै नुकसान दे कीते गे नकारा।
- नीट पीजी दे अज्ज लैते गेदे म्तेयान च 2 लक्ख 42 ज्हार कोला मते विद्यार्थिं पेंपर दित्ता।
- किशतवाड़ जिले दे अकांक्षी ब्लॉक मड़वा गी नीति आयोग समेयान लेई चुनेआ गेआ।

<><><><><><>

World Expo Japan

जपान दे ओसरका च आयोजित विश्व कप 2025 च भारती पंडाल च कल 20 ज्हार कोला मते लोक नमैश दिक्खने लेई आए। लोकें नमैश च प्रदर्शित भारत दी सांस्कृतिक विरासत, अंतरिक्ष क्षेत्र दिं उपलब्धिं ते दस्तकारी ते नमूने गी दिक्खेआ, सराहेया ते मतासर होए। जपान स्थित भारती सफारतखाने नै अपनी इक सोशल मीडिया पोस्ट च दस्सेआ जे इनें लोकें सेहत दे क्षेत्र च भारत दी सदिं परानी रिवायतें जिंदे च योग सत्र बी शामिल ऐ, बी दिक्खेआ ते एहदा अनुभव बी कीता। एक्सपो च चंद्रयान जोन बी लोकें दे आकर्षण दा केंद्र रेहा। भारतीय पंडाल च जम्मू-कश्मीर दे खरोट दी लकड़ी नै बने दे समेयान जेदे च लकड़ी गी कड़ियै तैयार कीता गेदा

समेयान शामल ऐ, लोकें बडा पसिंद कीता। एह प्रदर्शनी 13 अक्तूबर तोड़ी चलोग ते एहदे च दुनिया दे 160 कोला मते मुल्ख ते 9 अंतरराश्ट्री संगठन हिस्सा लै करदे ना।

<><><><><><>

J&K Encounter

दक्खन कश्मीर च कुलगाम जिले दे अखल देवसर इलाके च चला करदे आतंकवाद विरोधी अभियान च त्रै बेपंछानु आतंकवादियें गी मारी मकाया गेआ ऐ। पुलस अधिकारिएं दस्सेआ जे इन्दे खात्मे लेई शुक्रवार थमां अभियान चला करदा ऐ। एह अभियान उस्सलै रम्भ होआ हा जिस्सलै इलाके च मौजूद आतंकियें अपने पर घेरा कसोंदा दिक्खियै बलें पर गोलीबारी कीती जेदा बलें बी पूरी तगड़ेयाई कन्नै परता दित्ता। इलाके दी पूरी चाल्ली घेराबंदी करी लैती गई ऐ ते कुसै बी आतंकवादी दे नस्सने दी कोश्ट गी नाकाम करने ताई इलाके च दाखल ते बाहर निकलने आहले रस्तें गी सील करी दित्ता गेआ ऐ। इस सरबंध्यै च होर व्यौरे गी बलगेआ जा करदा ऐ।

<><><><><><>

Artillery Shells Found

जम्मू-कश्मीर दे सरहदी जिले साम्बा च अज्ज जंगल लग्गे दे त्रै तोफ दे गोले बरामद कीते गे जिनेंगी मगरा नकारा करी दित्ता गेआ। पुलसै मूजब मकामी लोकें जिले दे पाल्थ ग्रांS कश बसंतर नदी दे कंडे लावारिस पेदे इनें गोलें बारै जानकारी दित्ती जेदे पर कार्रवाई करदे होई बम्ब नकारा करने आहला दस्ता उत्थै भेजेआ गेआ। पुलसै जानकारी दित्ती ऐ जे इनें बम्बें गी बिजन कुसै नुकसान दे कामयाबी कन्नै नकारा करी दित्ता गेआ।

<><><><><><>

JMC-Clean Jammu

पर्यावरण दे संरक्षण आस्तै इक महत्वपूर्ण जतन च जम्मू नगर निगम ते शैहरी जंगलात डिविजन 5 अगस्त गी बडुलै 9 बजे नरवाल दे एफ.आर.एम.सी परिसर च बडु पैंमाने पर रूख-बूहटे लाने दा कार्यक्रम आयोजित करडन। एह पैहल स्वच्छ जम्मू ग्रीन जम्मू मुहिम दा हिस्सा ऐ जेदा मकसद जपानी विधि मियावाकी दा इस्तेमाल करियै 10 ज्हार बूहटे लाना ऐ। जे.एम.सी कमिशनर डॉ. देवांश यादव होरें बसनीकें गी इस कार्यक्रम च हिस्सा लैने ते

'एक पेड़ मां के नाम'मुहिम तैहत इक बूहटा अपनी माताएं दे सम्मान च लाने आस्तै प्रोत्साहित कीता गेआ जेड़ा मां ते धरती मां दवे गी श्रद्धांजलि दे रूपा च कम्म करदा ऐ। पैहले शा गै 30 ज्हार बूहटे लाए जाने दे कन्नै स्वतंत्रता दिवस तगर कुल 60 ज्हार बूहअे लाने दा लक्ष्य हासल करना ऐ। इस संदेश च जे.एम.सी कमिशनर डॉ. देवांश यादव होरें आखेआ।

<><><><><><>

Van Mission Yuva

उधमपुर दे रोजगार मैहकमे आसेआ कौशल विकास मैहकमे दे सहयोग कन्नै सरकारी पालीटेक्रिक कॉलेज च मिशन युवा तैहत समर्थ निर्माण बधाने आस्तै इक दिनै दे उद्यमिता मेले दा सरिस्ता कीता गेआ। इस कार्यक्रम दा आयोजन सरकार आसेआ प्रायोजित योजनाएं ते समर्थ निर्माण सरबन्धी पहलकदमियें राहें मकामी नौजवानें गी उद्यमिता आहले क्षेत्र च आत्मनिर्भर ते सशक्त बनाने दे मकसद कन्नै कीता गेआ हा। इस मौके पर जिला विकास परिषद दे अध्यक्ष लाल चंद होरें मुख् परौहने दे तौरा पर शिरकत कीती। रोजगार मैहकमे दे डिप्टी डरैक्टर मोहिंद्र शर्मा होरें कार्यक्रम दी अगुवाई कीती। इस मौके पर बोलदे होई रोजगार मैहकमे दियां सहायक निदेशक प्रियंका गुप्ता होरें आखेआ।

इक विद्यार्थी सोनिया नै इस चाल्ली अपने विचार आकाशवाणी समाचार कन्नै सांझे कीते।

<><><><><><>

NEET-PG Exam

डॉक्टरी दी पढाई च स्नातकोतर यानि पी.जी करने लेई अज्ज होए दे नीट-पीजी दे मतेयान च कुल 2 लक्ख 42 ज्हार विद्यार्थीएं पेपर दित्ता। एहदे लेई देसै दे 301 बक्ख-बक्ख शैहरें च कुल 1 ज्हार 52 मतेयान केंद्र बनाए गेदे ना। भारत च कम्प्यूटर आधारित एह इक्के गेड़ च लैता गेदा एह सब्भनें शा बड्डा मतेयान हा। मेडिकल साइंस च दाखला मतेयान लैने आहले राश्ट्री बोर्ड NBEMS नै इस मतेयान गी पूरी चाल्ली साफ सुथरे, बवस्था आहले ढंगै

सिर ते पारदर्शी तरीके नै करोआने लेई बक्ख-बक्ख मेडिकल कालजें ते मानता हासल अस्पतालें थमां बी 2 ज्हार 200 टीचरें गी झूटी पर लाए दा हा।



Kishtwar ASP Block

किश्तवाड़ जिले दे ब्लॉक मड़वा गी प्रतिष्ठित नीति आयोग सम्मान लेई चुनेआ गोआ ऐ। सम्मान भेंट करने दा कार्यक्रम कल 4 अगस्त गी किश्तवाड़ दे ऐतिहासिक चौगान ग्राउंड च लग्गोग। जनवरी 2023 च नीति आयोग आसेआ शुरू कीते गेदे अकांक्षी ब्लॉक कार्यक्रम दा मकसद मुखै दे बक्ख-बक्ख राज्यें ते केंद्र शासित प्रदेशें च ताले गेदे 500 ब्लॉकें च शासन ते मकामी जरूरतें ते लोकें दिएं आसें-तांगें मूजब उत्थूं दे जीवन स्तरै गी उबड़ा चुक्कना ऐ। एह कार्यक्रम जिनें 5एं प्रमुख विषे पर केंद्रित ऐ उन्दे च सेहत ते खुराक, शिक्षा, राई-बाई ते एहदे नै जुड़े दे दुए क्षेत्र बुनियादी ढांचा ते सामाजिक विकास शामिल न। मड़वा गी एह मानता थहोना इलाके च होआ'रदी तरक्की ते एहदी छमता दी सारत ऐ।



STEM-Curriculum

डोडा दे जिला विकास कमिशनर हरविंद्र सिंह होरें सरकारी जिला लाइब्रेरी डोडा च नीट ते आई.आई.टी-जे.ई.ई दी तैयार करने आहले विद्यार्थिं दे मदद लेई स्टैम पाठयक्रम दा उद्घाटन कीता। इस पैहल च बच्चें दे पढने लेई बक्खरे रीडिंग रूम, जानकारी लेई सामग्री, भ्यास लेई मॉक टैस्ट, तैयारी कियां करनी एहदे बारै जानकारी ते गुर सखाना ते राष्ट्रीय सतह दे डिजिटल मंचें तगर पुज्ज बी शामिल ऐ। एहदे अलावा इत्त सरबंधी पढाई दे बक्ख-बक्ख विषयें पर माहिरें कन्नै गल्लबात करने दे सत्र लोआना बी शामिल ऐ, जियां जे फिजिक्स, कमिस्ट्री, बायो ते मैथ बगैरा। उद्घाटन मौके अपने संबोधनै च जिला विकास कमिशनर हरविंद्र सिंह होरें आखेआ।

